



ШЕШІМ

03.10.2023

Астана қаласы

РЕШЕНИЕ

№ 84/10-VIII

№

город Астана

**Астана қаласында әлеуметтік көмек
көрсетудің, оның мөлшерлерін
белгілеудің және мұқтаж азаматтардың
жекелеген санаттарының тізбесін
айқындау қағидасын бекіту туралы**

«Қазақстан Республикасындағы жергілікті мемлекеттік басқару және өзін-өзі басқару туралы» Қазақстан Республикасы Заңының 27-бабының 1-2-тармағына, «Ардагерлер туралы» Қазақстан Республикасы Заңына, «Әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың үлгілік қағидаларын бекіту туралы» Қазақстан Республикасы Үкіметінің 2023 жылғы 30 маусымдағы № 523 қаулысына сәйкес, Астана қаласының мәслихаты **ШЕШТІ**:

1. Қоса беріліп отырған Астана қаласында әлеуметтік көмек көрсету, оның мөлшерін белгілеу және мұқтаж азаматтарының жекелеген санаттарының тізбесін айқындау қағидасы (бұдан әрі – Қағида) 1-қосымшаға сәйкес бекітілсін.

2. Астана қаласының мәслихаты кейбір шешімдерінің күші 2-қосымшаға сәйкес жойылды деп танылсын.

3. Осы шешім 2024 жылғы 1 қаңтардан бастап қолданысқа енгізілетін Қағидалардың 17-тармағын және 52-тармағының 4-бөлігін қоспағанда, оның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Астана қаласы
мәслихатының төрағасы

Е. Каналимов

Астана қаласы мәслихатының
2023 жылғы 3 қазандағы
№ 84/10- VIII шешіміне
1-қосымша

Астана қаласының әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындау қағидалары

Осы Астана қаласының әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындау қағидалары (бұдан әрі – Қағида) Қазақстан Республикасының Бюджет кодексі 55-бабы 1-тармағының 5) тармақшасына, «Қазақстан Республикасындағы жергілікті мемлекеттік басқару және өзін-өзі басқару туралы» Қазақстан Республикасы Заңы 6-бабының 2-3-тармағына, «Қазақстан Республикасы астанасының мәртебесі туралы» Қазақстан Республикасы Заңы 8-бабының 3) тармақшасына, «Ардагерлер туралы» Қазақстан Республикасы Заңының 10, 11, 12, 13-баптарына, «Әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың үлгілік қағидаларын бекіту туралы» Қазақстан Республикасы Үкіметінің 2023 жылғы 30 маусымдағы № 523 қаулысына сәйкес әзірленді.

1-тарау. Жалпы ережелер

1. Осы Қағидада мынадай терминдер мен ұғымдар қолданылады:

1) «Азаматтарға арналған үкімет» мемлекеттік корпорациясы (бұдан әрі – уәкілетті ұйым) – Қазақстан Республикасының заңнамасына сәйкес мемлекеттік қызметтерді көрсету, «бір терезе» қағидаты бойынша өтініштерді қабылдау және олардың нәтижелерін көрсетілетін қызметті алушыға беру жөніндегі жұмысты ұйымдастыру, мемлекеттік қызметтерді электрондық нысанда көрсетуді қамтамасыз ету үшін Қазақстан Республикасы Үкіметінің шешімі бойынша құрылған заңды тұлға;

2) арнайы комиссия – мұқтаж азаматтардың жекелеген санаттарына әлеуметтік көмек көрсетуге үміткер адамның (отбасының) өтінішін қарау бойынша Астана қаласы әкімінің шешімімен құрылатын комиссия;

3) ата-аналарының (ата-анасының) қамқорлығынсыз қалған бала (балалар) – ата-ана құқықтарының шектелуіне немесе олардан айрылуына, хабарсыз кеткен деп танылуына, әрекетке қабілетсіз немесе әрекет қабілеті шектелген деп танылуына, бас бостандығынан айыру орындарында жазасын өтеуіне, бала тәрбиелеуден немесе оның құқықтары мен мүдделерін қорғаудан жалтаруына, оның ішінде баланы тәрбиелеу немесе медициналық ұйымнан

алудан бас тартуына байланысты, сондай-ақ ата-ана қамқоршылығы болмаған және Қазақстан Республикасының заңдарында көзделген өз құқықтары мен мүдделерінің қажетті қорғалуын қамтамасыз етуге мұқтаж болған өзге де жағдайларда жалғыз ата-анасының немесе екеуінің де қамқорлығынан айрылған бала (балалар);

4) Әлеуметтік төлемдер орталығы – «Азаматтарға арналған үкімет» мемлекеттік корпорациясы» коммерциялық емес акционерлік қоғамның әлеуметтік және зейнетақымен қамтамасыздандыру қызметін үйлестіру жөніндегі орталық филиалы;

5) әлеуметтік көмек – ЖАО мұқтаж азаматтардың жекелеген санаттарына (бұдан әрі – алушылар), сондай-ақ атаулы күндер мен мереке күндеріне орай ақшалай немесе заттай нысанда көрсететін көмек;

6) әлеуметтік көмек көрсету жөніндегі уәкілетті орган – «Астана қаласының Жұмыспен қамту және әлеуметтік қорғау басқармасы» мемлекеттік мекемесі;

7) жеңілдіктер бойынша Ұлы Отан соғысының ардагерлеріне теңестірілген ардагерлер – «Ардагерлер туралы» Қазақстан Республикасы Заңының 6-бабында көрсетілген адамдар;

8) еңбек ардагерлері – «Ардагерлер туралы» Қазақстан Республикасы Заңы 7-бабында көрсетілген адамдар;

9) ең төмен күнкөріс деңгейі – шамасы бойынша ең төмен тұтыну себетінің құнына тең, бір адамға шаққандағы ең төмен ақшалай кіріс;

10) жан басына шаққандағы орташа кіріс – отбасының бір айдағы жиынтық кірісінің отбасының әрбір мүшесіне тура келетін үлесі;

11) жетім бала (балалар) – ата-анасының екеуі де немесе жалғыз анасы (әкесі) қайтыс болған бала (балалар);

12) көп балалы отбасылар – құрамында бірге тұратын төрт және одан көп кәмелетке толмаған баласы, оның ішінде кәмелеттік жасқа толғаннан кейін білім беру ұйымдарын бітіретін уақытқа дейін (бірақ жиырма үш жасқа толғанға дейін) орта, техникалық және кәсіптік, орта білімнен кейінгі, жоғары және (немесе) жоғары оқу орнынан кейінгі білім беру ұйымдарында күндізгі оқу нысаны бойынша білім алатын балалары бар отбасылар;

13) көп балалы аналар – «Алтын алқа», «Күміс алқа» алқаларымен наградталған немесе бұрын «Батыр ана» атағын алған, сондай-ақ I және II дәрежелі «Ана даңқы» ордендерімен наградталған көп балалы аналар;

14) мереке күндері (бұдан әрі – атаулы күндер) – Қазақстан Республикасының кәсіптік және өзге де мерекелері;

15) мерекелік күндер – Қазақстан Республикасының ұлттық және мемлекеттік мереке күндері;

16) мүгедек бала (мүгедек балалар) – тыныс-тіршілігінің шектелуіне және әлеуметтік жағынан қорғау қажеттігіне алып келетін, ауруларға, мертiгулерге (жаралануға, жарақаттарға, контузияларға), олардың

зардаптарына, бұзылуына байланысты организм функциялары тұрақты бұзылып, денсаулығы нашарлаған он сегіз жасқа дейінгі адам;

17) мүгедектігі бар адам – тыныс-тіршілігінің шектелуіне және оны әлеуметтік қорғау қажеттігіне алып келетін, ауруларға, мертігулерге (жаралануға, жарақаттарға, контузияларға), олардың зардаптарына, бұзылуларына байланысты организм функциялары тұрақты бұзылып, денсаулығы нашарлаған адам;

18) табысы аз адамдар (отбасылар) – жан басына шаққандағы орташа айлық табысы Астана қаласында белгіленген кедейлік шегінен төмен адамдар (отбасылар);

19) уәкілетті мемлекеттік орган – Қазақстан Республикасының заңнамасына сәйкес халықты әлеуметтік қорғау саласындағы басшылықты және салааралық үйлестіруді, мемлекеттік әлеуметтік сақтандыру қорының қызметін реттеуді, бақылау функцияларын жүзеге асыратын орталық атқарушы орган;

20) Ұлы Отан соғысының ардагерлері – аталған адамдар «Ардагерлер туралы» Қазақстан Республикасы Заңының 4-бабында;

21) басқа мемлекеттердің аумағындағы ұрыс қимылдарының ардагерлері – «Ардагерлер туралы» Қазақстан Республикасы Заңы 5-бабында көрсетілген адамдар;

22) учаскелік комиссия – атаулы әлеуметтік көмек алуға өтініш жасаған тұлғалардың (отбасылардың) материалдық жағдайына зерттеп-қарау жүргізу үшін тиісті әкімшілік-аумақтық бірліктер әкімдерінің шешімімен құрылатын арнаулы комиссия;

23) шекті шама мөлшері – әлеуметтік көмектің бекітілген ең жоғары мөлшері.

2. Әлеуметтік көмек көрсету тәртібі, мөлшері және түрлері, сондай-ақ алушылар санаттарының тізбесі осы Қағидамен белгіленеді.

3. Әлеуметтік көмек Астана қаласында тіркелген және тұрақты тұратын азаматтарға ұсынылады.

4. Астана қаласының бюджеті әлеуметтік көмекті қаржыландыру көзі болып табылады.

Әлеуметтік көмек «Жергілікті өкілетті органдардың шешімдері бойынша мұқтаж азаматтардың жекелеген санаттарына әлеуметтік төлемдер» бюджеттік бағдарламасы бойынша әкімшісі «Астана қаласының Жұмыспен қамту және әлеуметтік қорғау басқармасы» мемлекеттік мекемесі (бұдан әрі – әкімші) болып табылатын тиісті қаржы жылына Астана қаласының бюджетінде осы мақсаттарға көзделген қаражат шегінде ұсынылады.

5. Ақшалай нысандағы әлеуметтік көмек екінші деңгейдегі банктер, «Қазпошта» акционерлік қоғамының аумақтық бөлімшелері арқылы алушылардың шоттарына ақшалай қаражат аудару жолымен көрсетіледі.

6. Заттай нысандағы әлеуметтік көмек Қазақстан Республикасының мемлекеттік сатып алу туралы заңнамасына сәйкес жеткізушілерді (бұдан әрі – жеткізушілер) әкімші анықтайтын қызмет көрсету арқылы ұсынылады.

7. Әлеуметтік көмек алушылардың санаттары туралы мәліметтерді әкімші Әлеуметтік төлемдер орталығынан, сондай-ақ мәліметтерге ие қаланың басқа да ұйымдарынан сұрайтады.

8. Өтініш беруші толық емес және (немесе) дәйексіз мәліметтерді ұсынған, сондай-ақ өтініш беруші арнаулы әлеуметтік қызмет көрсететін мемлекеттік ұйымдарда тұратын жағдайда Немесе өтініш беруші бас бостандығынан айыру орындарында болған жағдайда әлеуметтік көмек тағайындалмайды.

9. Әлеуметтік көмек:

- 1) алушы қайтыс болған;
- 2) алушы Астана қаласының шегінен тыс тұрақты тұруға кеткен;
- 3) алушы мемлекеттік медициналық-әлеуметтік мекемелерге тұруға жіберген;
- 4) өтініш беруші ұсынған мәліметтердің дәйексіздігі анықталған жағдайларда тоқтатылады.

Әлеуметтік көмекті төлеу көрсетілген мән-жайлар туындаған айдан бастап тоқтатылады.

10. Азаматтардың дәйексіз мәлімет беру салдарынан артық және (немесе) заңсыз төленген сомасын өндіріп алу Қазақстан Республикасының заңнамасымен белгіленген тәртіпте жүргізіледі.

11. Әлеуметтік көмек көрсету мониторингі мен есепке алуды әкімші «Е-Собес» автоматтандырылған ақпараттық жүйесінің дерек қорын пайдалана отырып жүргізеді.

12. Әлеуметтік көмекті көрсету үшін қажетті құжаттарды ұсыну әкімшіде қолжетімділік бар ақпараттық жүйелерден ақпаратты алу мүмкіндігі болғанда талап етілмейді.

2-тарау. Әлеуметтік көмек алуға құқығы бар алушылардың санаттары

13. Әлеуметтік көмек алуға құқығы бар алушылардың санаттарына:

- 1) Ұлы Отан соғысының ардагерлері;
- 2) басқа мемлекеттердің аумағындағы ұрыс қимылдарының ардагерлері;
- 3) жеңілдіктер бойынша Ұлы Отан соғысының ардагерлеріне теңестірілген ардагерлер;
- 4) еңбек ардагерлері;
- 5) «Ардагерлер туралы» Қазақстан Республикасы Заңы 8-бабының 1), 2), 3) тармақшаларында аталған адамдар (бұдан әрі – басқа да адамдар);
- 6) зейнеткерлік жастағы адамдар, оның ішінде жасы бойынша зейнеткерлер, зейнеткерлік жасқа жеткен жасына байланысты және

асыраушысынан айырылу жағдайы бойынша мемлекеттік әлеуметтік жәрдемақы алушылар;

7) мүгедектігі бар адамдар, оның ішінде он сегіз жасқа дейінгі мүгедектігі бар балалар;

8) мүгедектігі бар баланы (мүгедектігі бар балаларды) тәрбиелеп отырған отбасылар;

9) саяси қуғын-сүргін құрбандары, саяси қуғын-сүргіннен зардап шеккен адамдар;

10) көп балалы отбасылар, көп балалы аналар;

11) жетім балалар, ата-анасының қамқорлығынсыз қалған балалар, балалар үйлерінің түлектері;

12) мемлекеттік атаулы әлеуметтік көмек алатын табысы аз адамдар (бұдан әрі – табысы аз азаматтар);

13) әлеуметтік мәні бар аурулармен ауыратын адамдар;

14) бас бостандығынан айыру орындарынан босатылған тұлғалар;

15) пробация қызметінің есебінде тұрған тұлғалар;

16) табиғи зілзала немесе өрт салдарынан зардап шеккен азаматтар жатады;

17) зейнеткерлер және аймақтар бойынша ядролық сынақтардан келтірілген залал үшін біржолғы өтемақы алушылар қатарынан Семей ядролық сынақ полигонындағы ядролық сынақтардың салдарынан зардап шеккен азаматтар.

3-тарау. Мерекелік және атаулы күндерге әлеуметтік көмек көрсету тәртібі

14. Мерекелік және атаулы күндерге әлеуметтік көмек 2,5 айлық есептік көрсеткіш (бұдан әрі – АЕК) көлеміндегі ақшалай төлемдер түрінде азаматтардың мына санаттарына беріледі:

4 ақпан (Дүниежүзілік қатерлі ісікке қарсы күрес күні) - әлеуметтік маңызы бар аурулары бар азаматтар мен қатерлі ісіктері бар балалар;

8 наурыз (Халықаралық әйелдер күні) - көп балалы отбасыларға, көп балалы аналарға, оның ішінде аз қамтылған аналарға;

21-23 наурызда (Наурыз мейрамы) – ата-анасының қамқорлығынсыз қалған балаларға;

7 мамырда (Отан қорғаушылар күні) – Қазақстан Республикасының алдында ерекше еңбегі үшін зейнетақы алушылар ішінен зейнеткерлік жастағы адамдарға;

31 мамырда (Саяси қуғын-сүргін құрбандарын еске алу күні) – мүгедектігі бар немесе зейнеткерлер болып табылатын саяси қуғын-сүргін құрбандарына, саяси қуғын-сүргіннен зардап шеккен адамдарға;

1 маусымда (Балаларды қорғау күні) – жетім балаларға;

29 тамыз (Семей ядролық сынақ полигонының жабылу күні) – Семей ядролық сынақ полигонындағы ядролық сынақтардың салдарынан зардап

шеккен зейнеткерлер мен ядролық сынақтардан келтірілген залал үшін біржолғы өтемақы алушылар қатарынан азаматтарға;

1 қазан (Қарттар күні) – жасы бойынша зейнеткерлерге және ең төмен мөлшердегі зейнетақы алушылар ішінен зейнеткерлік жастағы адамдарға;

1 желтоқсан (Бүкіләлемдік ЖҚТБ-мен күрес күні) – адамның иммун тапшылығы вирусы туғызатын аурудан зардап шеккен адамдар, оның ішінде адамның иммун тапшылығы вирусын тасымалдаушылар ішінен әлеуметтік мәні бар аурулармен ауыратын азаматтарға;

15. 60 АЕК көлеміндегі әлеуметтік көмек:

16 желтоқсан (Қазақстан Республикасының Тәуелсіздік күні) – Қазақстандағы 1986 жылғы 17-18 желтоқсан оқиғаларына қатысып, «Жаппай саяси қуғын-сүргіндер құрбандарын ақтау туралы» Қазақстан Республикасының Заңында белгіленген тәртіпке сәйкес ақталған тұлғалар ішінен саяси қуғын-сүргін құрбандарына.

16. 45 АЕК көлеміндегі әлеуметтік көмек:

15 ақпан (Ауғанстаннан Кеңестің шектеулі әскери контингентін шығару күні) – «Ардагерлер туралы» Қазақстан Республикасы Заңы 5-бабының 2, 3, 4, 5–тармақтарында көрсетілген басқа мемлекеттердің аумағындағы соғыс қимылдарының ардагерлері Ауғанстандағы әскери қызмет кезінде алған жарақаттары, контузиялары, жарақаттары немесе аурулары салдарынан мүгедек деп танылған әскери қызметшілер;

26 сәуір (Чернобыль атом электр станциясындағы апат құрбандарын еске алу күні) – жеңілдіктері бойынша Ұлы Отан соғысының ардагерлеріне теңестірілген ардагерлерге, сондай-ақ Чернобыль атом электр станциясындағы апат салдарын жоюға қатысқан адамдар қатарындағы басқа адамдарға.

17. Мүгедектігі бар адамдар күніне (қазан айының екінші жексенбісі) әлеуметтік көмек азаматтардың мынадай санаттарына беріледі:

1-топтағы мүгедектігі бар адамдарға – 20 АЕК бойынша;

2-топтағы мүгедектігі бар адамдарға және барлық топтағы он сегіз жасқа дейінгі мүгедектігі бар балаларға – 10 АЕК;

3-топтағы мүгедектігі бар адамдарға – 5 АЕК (2024 жылғы 1 қаңтардан бастап күшіне енеді).

18. 9 мамырға (Жеңіс күні) әлеуметтік көмек мына санаттағы азаматтарға көрсетіледі:

Ұлы Отан соғысының ардагерлеріне – 1 (бір) миллион теңгеден кем емес; жеңілдіктер бойынша Ұлы Отан соғысының ардагерлеріне теңестірілген ардагерлерге (осы Қағиданың 16-тармағында көрсетілген адамдарды қоспағанда) – 45 АЕК;

басқа мемлекеттердің аумағындағы соғыс қимылдарының ардагерлеріне (осы Қағиданың 16-тармағында көрсетілген адамдарды қоспағанда) – 45 АЕК;

басқа адамдарға, еңбек ардагерлеріне – 15 АЕК.

19. 25 қазан (Республика күні) күніне табысы аз азаматтарға 4,5 АЕК мөлшерінде ұсынылады.

20. Әкімші әлеуметтік көмек алушылардан өтініштерді талап етпей, көрсетілген санаттарға жататын адамдардың тізімін:

тиісті негіздер азаматтардың Әлеуметтік төлемдер орталығының зейнетақы, арнаулы мемлекеттік жәрдемақыны алуы туралы мәліметтері, «Астана қаласының Білім басқармасы» мемлекеттік мекемесінің ата-анасының қамқорлығынсыз қалған балалар туралы мәліметтері, «Астана қаласының Қоғамдық денсаулық сақтау басқармасы» мемлекеттік мекемесінің (бұдан әрі – Қоғамдық денсаулық сақтау басқармасы) әлеуметтік мәні бар аурулармен ауыратын адамдар туралы мәліметтері, сондай-ақ табысы аз азаматтарға әлеуметтік төлемдерді тағайындау туралы өздерінің мәліметтері негізінде осы Қағиданың 14, 15, 16, 17-тармақтарында;

Астана қаласы әкімдігінің «ЖИТС-тың алдын алу және оған қарсы күрес орталығы» мемлекеттік коммуналдық қазыналық кәсіпорнының (бұдан әрі – «ЖИТС-тың алдын алу және оған қарсы күрес орталығы» МКҚК), Қоғамдық денсаулық сақтау басқармасының мәліметтері негізінде осы Қағиданың 41, 42 – тармақтарында қалыптастырады.

21. Осы Қағиданың 14, 15, 16, 17, 18, 19-тармақтарында көрсетілген санаттарға жататын азаматтар үшін атаулы күндер мен мереке күндеріне әлеуметтік көмек жылына бір рет көрсетіледі.

4-тарау. Мұқтаж азаматтардың жекелеген санаттарына әлеуметтік көмек көрсету тәртібі

§1. Мұқтаж азаматтардың жекелеген санаттарына әлеуметтік көмек тағайындау жөніндегі жалпы ережелер

22. Мұқтаж азаматтар санатына жатқызу үшін:

- 1) табиғи зілзалананың немесе өрттің салдарынан азаматқа (отбасына) не оның мүлкіне залал келтіру не әлеуметтік маңызы бар аурудың болуы;
- 2) ең төменгі күнкөріс деңгейіне еселенген қатынаста шекті мәннен аспайтын жан басына шаққандағы орташа табыстың болуы;
- 3) жетімдік, ата-ана қамқорлығының болмауы;
- 4) жасы ұлғаяуына байланысты өзіне-өзі қызмет көрсетуге қабілетсіздігі;
- 5) бас бостандығынан айыру орындарынан босату, пробация қызметінің есебінде болу негіз болып табылады.

23. Өтініш беруші қажетті құжаттарды олардың бүлінуіне, жоғалуына байланысты ұсына алмаған жағдайда, әкімші тиісті мәліметтері бар өзге уәкілетті органдар мен ұйымдардың деректері негізінде әлеуметтік көмек көрсету туралы шешім қабылдайды.

24. Мұқтаж азаматтардың жекелеген санаттарына әлеуметтік көмек, егер мұндай ақшалай төлемдерді ұсыну, қызметтер көрсету немесе өзге де өтеу үшін негіздер Қазақстан Республикасының қолданыстағы заңнамасында белгіленген өзге тәртіппен болмаған жағдайда ғана ұсынылады.

25. Осы Қағидалардың 22-тармағының 2) тармақшасында көзделген негіз бойынша әлеуметтік көмек көрсету кезінде әкімші өтініш берушінің құжаттарын (осы Қағидаларға 1-қосымшаға сәйкес өтініш) адамның (отбасының) материалдық жағдайына тексеру жүргізу үшін учаскелік комиссияға жібереді.

26. Учаскелік комиссия өтініш берушіге тексеру жүргізеді, оның нәтижелері бойынша адамның (отбасының) материалдық жағдайы туралы акт жасайды, осы Қағидаларға 2, 3-қосымшаларға сәйкес нысандар бойынша адамның (отбасының) әлеуметтік көмекке мұқтаждығы туралы қорытынды дайындайды және Әкімшіге жолдайды.

27. Әкімші адамның (отбасының) жан басына шаққандағы орташа табысының есебін жүргізеді және құжаттардың толық топтамасын арнайы комиссияның қарауына ұсынады.

28. Арнайы комиссия оның мөлшерін көрсете отырып, әлеуметтік көмек көрсету қажеттілігі туралы қорытынды шығарады.

29. Осы Қағидалардың 22-тармағында көзделген барлық негіздер бойынша әлеуметтік көмек көрсету кезінде әкімші өтініш берушінің құжаттары тіркелген күннен бастап сегіз жұмыс күні ішінде қабылданған құжаттар және әлеуметтік көмек көрсету қажеттілігі туралы арнайы комиссияның қорытындысы негізінде әлеуметтік көмек көрсету туралы не көрсетуден бас тарту туралы шешім қабылдайды.

Осы Қағидалардың 24-тармағында көрсетілген жағдайда әкімші өтініш берушіден құжаттар қабылданған күннен бастап жиырма жұмыс күні ішінде әлеуметтік көмек көрсету не көрсетуден бас тарту туралы шешім қабылдайды.

30. Әкімші шешім қабылданған күннен бастап үш жұмыс күні ішінде өтініш берушіні қабылданған шешім туралы жазбаша хабардар етеді (бас тартылған жағдайда – негіздемесін көрсете отырып).

31. Осы Қағидалардың 22-тармағында көрсетілген мұқтаж азаматтардың жекелеген санаттарына әлеуметтік көмек жылына бір рет көрсетіледі.

32. Әлеуметтік көмек көрсетуден бас тарту өтініш берушілер ұсынған толық емес, анық емес мәліметтер анықталған жағдайда, ал әлеуметтік көмек көрсету кезінде осы Қағидалардың 22-тармағының 2) тармақшасында көзделген негіз бойынша жүзеге асырылады:

өтініш берушінің адамның (отбасының) материалдық жағдайына тексеру жүргізуден бас тартуы, жалтаруы;

әлеуметтік көмек көрсету үшін белгіленген критерий бойынша адамның (отбасының) жан басына шаққандағы орташа табысының мөлшерінен асып кету.

§ 2. Табиғи зілзаланың немесе өрттің салдарынан азаматқа (отбасына) не оның мүлкіне зиян келтіру негіздері бойынша әлеуметтік көмек

33. Табиғи зілзала немесе өрт салдарынан зардап шеккен азаматтарға әлеуметтік көмек ақшалай төлем түрінде мына мөлшерде:

жалғыз болып табылатын тұрғын үйге елеулі зиян келтірілген, бүлінген, жойылған жағдайда отбасына 400 АЕК;

отбасы мүшелері қайтыс болғанда – қаза болған адамға 150 АЕК мөлшерінде ұсынылады.

34. Әлеуметтік көмек алу үшін өтініш беруші өзінің немесе отбасы атынан әкімшіге мына құжаттарды қоса отырып өтініш береді:

- 1) жеке басты куәландыратын құжат;
- 2) табиғи зілзала немесе өрт фактісі мен келтірілген зиянның дәрежесін растайтын құжаттар;
- 3) өтініш берушіге жоғалған, бүлінген тұрғын үйдің тиесілігін растайтын құжаттар:

жеке меншік құқығында тиесілігіне - жылжымайтын мүлікке тіркелген құқықтарының болмауы (болуы) жөніндегі анықтама және құқық беретін құжаттың көшірмесі;

өзге де заңды негіздерде тұрып жатқандар үшін - тұрғын үйді ұстау бойынша меншік иесі белгіленген міндеттемемен тұру құқығына құжаттың көшірмесі;

4) қаза болған жағдайда – отбасы мүшесінің қайтыс болу фактісін және оған қатысты туыстығын растайтын құжаттар;

35. Салыстырып тексеру үшін құжаттардың төлнұсқалары ұсынылады, содан кейін құжаттардың төлнұсқалары өтініш берушіге қайтарылады.

36. Әкімші табиғи зілзала немесе өрт жағдайы пайда болған күннен бастап үш айдан кешіктірмей әлеуметтік көмек алуға келіп түскен өтініштерді қарайды.

§ 3. Әлеуметтік мәні бар аурулардың болуы негізінде және бас бостандығынан айыру орындарынан босатылған адамдарға әлеуметтік көмек

37. Әлеуметтік мәні бар ауру – туберкулез бойынша әлеуметтік көмек белсенді туберкулезбен ауыратын азаматтарға Астана қаласы әкімдігінің «Астана қаласының Туберкулезге қарсы диспансері» мемлекеттік коммуналдық қазыналық кәсіпорнында (бұдан әрі – Туберкулезге қарсы диспансер) диспансерлік есепте тұрған және амбулаторлық емделудегі азаматтарға 10 АЕК ай сайынғы ақша төлемдері түрінде ұсынылады.

38. Осы Қағидалардың 37 – тармағында көрсетілген туберкулезге қарсы диспансер ай сайын ұсынатын азаматтардың тізімдері (бұдан әрі – тізім) мынадай құжаттарды қоса бере отырып, әлеуметтік көмек көрсету үшін негіз болып табылады:

- 1) осы Қағиданың 37-тармағында көрсетілген азаматтардың жеке басын куәландыратын құжаттың көшірмесі;

2) екінші деңгейдегі банктегі не «Қазпошта» акционерлік қоғамындағы банк шотының нөмірі туралы мәліметтер.

39. 25 АЕК мөлшерінде ай сайынғы ақшалай төлемдер түріндегі әлеуметтік көмек әлеуметтік маңызы бар аурулар бойынша көрсетіледі:

адамның иммун тапшылығы вирусынан туындаған ауру, оның ішінде адамның иммун тапшылығы вирусын – «ЖИТС-тың алдын алу және оған қарсы күрес орталығы» МКҚК-да диспансерлік есепте тұрған он сегіз жасқа дейінгі балаларға беру;

кәтерлі ісіктер – қаланың медициналық ұйымдарында тиісті ауру бойынша диспансерлік есепте тұрған он сегіз жасқа дейінгі балаларға.

40. 5 АЕК мөлшерінде тоқсан сайынғы ақшалай төлемдер түріндегі әлеуметтік көмек адамның иммун тапшылығы вирусынан туындаған ауру, оның ішінде адамның иммун тапшылығы вирусын алып жүру – «ЖИТС-тың алдын алу және оған қарсы күрес орталығы» МКҚК-да диспансерлік есепте тұрған он сегіз жасқа толған адамдарға әлеуметтік маңызы бар ауру бойынша көрсетіледі.

41. Әлеуметтік көмек бас бостандығынан айыру орындарынан босатылған адамдардың өтініші бойынша босатылғаны туралы анықтама бере отырып, босатылғаннан кейін алты айдан кешіктірілмей жүгінген кезде біржолғы көрсетіледі 15 АЕК мөлшерінде және қайта ұсынылмайды.

42. Осы Қағидалардың 37, 39, 40-тармақтарына сәйкес ұсынылатын әлеуметтік маңызы бар аурулардан зардап шегетін азаматтар және бас бостандығынан айыру орындарынан босатылған адамдар туралы мәліметтер 41-тармақта әкімшінің қызметкерлері жария етуге жатпайды.

5-тарау. Белгіленген шектен аспайтын жан басына шаққандағы орташа табыстың болуы негізінде әлеуметтік көмек

§1. Кірісті есептемегенде әлеуметтік көмек

43. Әлеуметтік көмек мына тегін қызметтер және ақшалай төлемдер түрінде табысын есепке алусыз азаматтардың мына жекелеген санаттарына:

1) тісті протездеу:

Ұлы Отан соғысының ардагерлеріне, басқа мемлекеттердің аумағындағы ұрыс қимылдарының ардагерлеріне және жеңілдіктер бойынша Ұлы Отан соғысының ардагерлеріне теңестірілген ардагерлерге;

мүгедектігі бар адамдарға;

жасы бойынша зейнеткерлерге;

табысы аз азаматтардың ішінен көп балалы аналар, көп балалы отбасыларға (аналарға);

мүгедектігі бар баланы (мүгедектігі бар балаларды) тәрбиелеп отырған отбасыларға (ата-аналардың біреуіне);

2) шипажайлық-курорттық емделу:

Ұлы Отан соғысының ардагерлеріне, басқа мемлекеттер аумағындағы ұрыс қимылдарының ардагерлеріне және жеңілдіктер бойынша Ұлы Отан соғысының ардагерлеріне теңестірілген ардагерлерге, Қазақстандағы 1986 жылғы 17-18 желтоқсан оқиғаларына қатысып, «Жаппай саяси қуғын-сүргіндер құрбандарын ақтау туралы» Қазақстан Республикасының Заңында белгіленген тәртіпте ақталған қатысушылар ішінен саяси қуғын-сүргін құрбандарына;

жолдама құнының 25%-ын төлеумен жасы бойынша зейнеткерлерге;

жолдама құнының 18%-ын төлеумен еңбек ардагерлеріне, ең төмен мөлшердегі зейнетақы алушылар ішінен жасы бойынша зейнеткерлерге;

3) санаторлық-курорттық емдеу шығындарының орнын толтыру:

абилитация мен оңалтудың жеке бағдарламасында жеке көмекшінің әлеуметтік қызметтері көзделген бірінші топтағы мүгедектігі бар адамдарды (жұмыс берушінің кінәсінен жұмыста мертiгуге ұшыраған немесе кәсіптік ауруға шалдыққан мүгедектігі бар адамдарды қоспағанда) алып жүруші адамдарға;

4) дәрі-дәрмекпен қамтамасыз ету:

Ұлы Отан соғысының ардагерлеріне, басқа мемлекеттердің аумағындағы ұрыс қимылдарының ардагерлеріне және жеңілдіктер бойынша Ұлы Отан соғысының ардагерлеріне теңестірілген ардагерлерге;

5) коммуналдық қызметтерді, тұрғын үйді күтіп ұстауға, телефонға абоненттік төлемдерді төлеуге:

Ұлы Отан соғысының ардагерлеріне, басқа мемлекеттердің аумақтарындағы соғыс қимылдарының ардагерлеріне, жеңілдіктер бойынша Ұлы Отан соғысының ардагерлеріне, теңестірілген ардагерлерге, басқа да адамдарға, Қазақстандағы 1986 жылғы 17-18 желтоқсан оқиғаларына қатысып, Қазақстан Республикасының «Жаппай саяси қуғын-сүргіндер құрбандарын ақтау туралы» Заңында белгіленген тәртіпке сәйкес ақталған тұлғалар ішінен саяси қуғын-сүргін құрбандарына;

б) астананың ресми мерзімді баспасөз басылымдарына жазылуға, моншаларға, шаштараздарға, мәдени ойын-сауық, спорттық іс-шараларға баруға арналған ақшалай төлемдер:

Ұлы Отан соғысының ардагерлеріне ұсынылады.

44. Әлеуметтік көмек алу үшін өтініш беруші әкімшіге өтінішке қоса мына құжаттарды ұсынады:

1) жеке басты куәландыратын құжат;

2) тісті протездеу түрінде әлеуметтік көмек көрсету үшін уәкілетті медициналық ұйым берген тісті протездеу, ауыз қуысын тазалау қажеттілігі жөнінде медициналық қорытынды;

3) шипажайлық-курорттық емделу түрінде әлеуметтік көмек көрсету үшін шипажайлық-курорттық карта;

4) коммуналдық қызметтерді, тұрғын үйді күтіп ұстауға, телефонға абоненттік төлемдерді төлеуге ақшалай төлемдер түрінде әлеуметтік көмек

үшін тұрып жатқан тұрғын үйдің шаршы метрін растайтын (техникалық паспортпен құқық белгілейтін құжат) құжаттың көшірмесі (Ұлы Отан соғысының ардагерлері үшін);

5) екінші деңгейдегі банктегі не «Қазпошта» акционерлік қоғамындағы банк шотының нөмірі туралы мәліметтер.

45. Осы Қағидалардың 43-тармағының 3) тармақшасында көрсетілген әлеуметтік көмекті алу үшін өтініш беруші санаторлық-курорттық емдеуден кейін күнтізбелік 30 күннен кешіктірмей келесі құжаттарды қоса бере отырып, әкімшіге өтініш ұсынады:

- 1) жеке басты куәландыратын құжат;
- 2) шот-фактура немесе фискалды чек;
- 3) атқарылған жұмыстар актісі.

46. Салыстырып тексеру үшін құжаттардың төлнұсқалары ұсынылады, содан кейін құжаттардың төлнұсқалары өтініш берушіге қайтарылады.

47. Тісті протездеуге (бағалы металдардан жасалған протездерден басқа) әлеуметтік көмек екі жылда бір рет осы Қағиданың 43-тармағы 1) тармақшасында көрсетілген санаттары қатарынан азаматтарға ұсынылады.

48. Тіс протездеуге әлеуметтік көмек шеңберінде медициналық көрсеткіштер болған жағдайда тіс шектерін, пародонт ауруларын емдеуді, медициналық манипуляция жүргізумен (инъекция, рентгенге түсіру және т.б.) тісті жұлуды қамтитын ауыз қуысын протез алды тазалау жүзеге асырылады.

49. Әкімші тіс протездеу бойынша қызмет жеткізушілерімен шарт жасасқан кезден бастап күнтізбелік он күн ішінде жергілікті бұқаралық ақпарат құралдары арқылы тістерін протездеуге тіркеу жүргізетін орындар мен мерзімдері туралы хабардар етеді.

50. Шипажайлық-курорттық емделуге әлеуметтік көмек осы Қағиданың 43-тармағы 2) тармақшасында көрсетілген санаттары ішінен азаматтарға жеткізушілер базасында шипажайлық-курорттық емделуден өту үшін бағыттама-жолдамаларды ұсыну арқылы беріледі.

51. Санаторлық-курорттық емделуге арналған шығындарды өтеу түріндегі әлеуметтік көмек осы Қағиданың 43-тармағының 3) тармақшасында көрсетілген азаматтардың қатарынан бір адамға, олар санаторлық-курорттық емдеуді ұсынатын ұйымда болған кезеңге нақты шығындар мөлшерінде, бірақ 55 АЕК-тен аспайтын мөлшерде беріледі.

Әкімші өтініш беруші ұсынған құжаттардың негізінде өтініш қабылданған күннен бастап күнтізбелік отыз күн ішінде санаторлық-курорттық емделу үшін әлеуметтік көмекті ақшалай түрде екінші деңгейдегі банктер арқылы өтініш берушінің жеке шоттарына есептеуді жүргізеді.

52. Шипажайлық-курорттық емделу Қазақстан Республикасының аумағында орналасқан мамандандырылған мекемелерде жүзеге асырылады.

Шипажайлық-курорттық емделуден өту мерзімі күнтізбелік он төрт күн құрайды.

Шипажайлық-курорттық емделу құқығы күнтізбелік жылға бір реттен артық емес ұсынылады.

Шипажайлық-курорттық емделу құқығы екі жылда бір рет бойынша жасы зейнеткерлер мен еңбек ардагерлеріне беріледі.

53. Шипажайлық-курорттық емделу орнына дейінгі және кері қайту жолақысының құны шипажайлық-курорттық емделушінің жеке қаражаты есебінен жүргізіледі.

54. Әкімші жазбаға сәйкес жеткізуші ұсынған келу кестесіне сәйкес жолдама береді.

Шипажайлық-курорттық емделуден өтініш беруші өз талабы бойынша бас тартқан жағдайда, жолдама әкімшіге қайтарылуы және кезекке сәйкес басқа өтініш берушіге берілуі тиіс.

55. Жолдама дәлелді себептер бойынша пайдаланылмаған жағдайда, шипажайлық-курорттық емделуге құқығы мүмкіндігінше келу кестесіне сәйкес басқа кезеңнің жолдамасына, бірақ ауыстырылуға тиіс жолдамада көрсетілген келу басталғанға дейін үш жұмыс күннен кешіктірілмей ұсынылуы мүмкін.

56. Жолдаманы алуға келу қажеттілігі жөнінде өтініш берушіге әкімшінің екі рет поштамен жолданған жазбаша хабарламалары бойынша хабарласпаған жағдайда, берілген өтініш бойынша шипажайлық-курорттық емделу ұсынылмайды.

57. Әкімшінің бірінші басшысы (немесе оның орынбасары) қол қойған және мөрмен бекітіліп берілген жолдамада шипажайлық-курорттық емделуге құқылы тұлғаның тегі, аты және әкесінің аты (бар болса) көрсетіледі.

58. Амбулаторлық емделуде дәрі-дәрмекпен қамтамасыз етуге әлеуметтік көмек дәрілік заттарды, медициналық мақсаттағы бұйымдарды, гигиена және күтім көрсету заттарын (бұдан әрі – дәрілік заттар) тегін беруден тұрады және осы Қағиданың 43-тармағы 4) тармақшасында көрсетілген санаттар қатарынан азаматтарға көрсетіледі.

59. Әкімші осы Қағида шеңберінде дәрілік заттармен қамтамасыз етуге құқығы бар азаматтардың тізімдерін уәкілетті медициналық ұйымға жыл сайын 3 қаңтарға дейін ұсынады және қажет болған жағдайда оны жаңартады.

60. Осы Қағиданың 43-тармағы 4) тармақшасында көрсетілген санаттарға жататын дәрілік заттарға мұқтаж азаматтар уәкілетті медициналық ұйымға дәрілік заттарға белгіленген үлгідегі рецептті алуға хабарласады.

61. Уәкілетті медициналық ұйым берген дәрілік заттардың рецептері негізінде дәрілік заттарды беру жеткізушілердің дәріханалық мекемелерінде жеке куәлігінің түпнұсқасын ұсынған жағдайда жіберіледі.

62. Коммуналдық қызметтерді, тұрғын үйді ұстауға, телефонға абоненттік төлемдерді төлеуге ақшайлай төлемдер осы Қағиданың 43-тармағы 5) тармақшасында көрсетілген санаттары қатарындағы азаматтарға тағайындалады.

63. Тұрғылықты орны немесе пайдаланатын тұрғын үйдің алаңы өзгерген жағдайда, әлеуметтік көмек алушы ол жөнінде әкімшіні өзгерген кезден бастап

күнтізбелік он күн ішінде хабардар етуі тиіс. Ақшалай төлемдерді қайта есептеу хабардар етілген айдан бастап жүргізіледі.

64. Ақшалай төлемдер ай сайын мына мөлшерлерде беріледі:

1) абаттандырылған пәтерлерде тіркелген және тұратын, пайдаланатын тұрғын үйдің алаңына байланысты Ұлы Отан соғысының ардагерлеріне:

35 ш.м-ге дейін – 1 АЕК;

35 ш.м-ден 50 ш.м-ге дейін – 6 АЕК;

50 ш.м-ден 80 ш.м-ге дейін – 7 АЕК;

80 ш.м-ден бастап және одан жоғары – 8 АЕК;

2) жеке тұрғын үйлерде тіркелген және тұратын Ұлы Отан соғысының ардагерлеріне – 5 АЕК;

3) басқа мемлекеттердің аумағындағы ұрыс қимылдарының ардагерлеріне және жеңілдіктер бойынша Ұлы Отан соғысының ардагерлеріне теңестірілген ардагерлерге, Қазақстандағы 1986 жылғы 17-18 желтоқсан оқиғаларына қатысып, Қазақстан Республикасының «Жаппай саяси қуғын-сүргіндер құрбандарын ақтау туралы» Заңында белгіленген тәртіпке сәйкес ақталған тұлғалар ішінен саяси қуғын-сүргін құрбандарына – 4,5 АЕК;

4) Ұлы Отан соғысында қаза тапқан (қайтыс болған, хабарсыз кеткен) жауынгерлердің екінші рет некеге тұрмаған жесірлері қатарынан басқа да адамдарға – 4,4 АЕК.

65. Көрсетілген ақшалай төлемге құқығы бар бірнеше адам бір тұрғылықты мекенжай бойынша тіркелген жағдайда, төлем тек қана біреуіне жүргізіледі.

§2. Астана қаласының жоғары оқу орындарында оқу ақысын төлеуге азаматтардың жекелеген санаттарына әлеуметтік көмек

66. Төрт ең төмен күнкөріс деңгейінен аспайтын жан басына шаққандағы табысы болған жағдайда қаланың жоғары оқу орындарында күндізгі нысанында оқу ақысын төлеу үшін әлеуметтік көмек қаланың жалпы білім беретін мектептер түлектері қатарынан:

жетім балаларға;

балалар үйлерінің түлектеріне;

бала жасынан мүгедектігі бар адамдарға;

ата-анасының қамқорлығынсыз қалған балаларға;

көп балалы отбасының балаларына беріледі (оның ішінде, білім ұйымдарына күндізгі оқу нысанына түскенге дейін ағымдағы жылы үлкен баланың кәмелетке толуына байланысты).

67. Әлеуметтік көмек қаланың тиісті жоғары оқу орнында оқудың нақты құны мөлшерінде және тиісті қаржы жылына қала бюджетінде осы мақсаттарға қарастырылған қаражат шегінде көрсетіледі.

68. Әлеуметтік көмек алу үшін өтініш беруші әкімшіге төмендегі құжаттарды қоса отырып өтініш ұсынады:

- 1) жеке басты куәландыратын құжат;
- 2) адамның (отбасы мүшелерінің) табыстары туралы мәліметтер;
- 3) ата-анасының қайтыс болуы туралы куәліктің көшірмесі (жетім балалар үшін);
- 4) көп балалы отбасы мәртебесін растайтын құжаттың көшірмесі (көп балалы отбасылардан шыққан балалар үшін);
- 5) туу туралы куәліктің көшірмесі (жетім балалар үшін);
- 6) Астана қаласының орта мектебін бітіргені туралы аттестат;
- 7) Ұлттық бірыңғай тестілеу немесе Қазақстан Республикасы Білім және ғылым министрлігінің Білім беру мен тестілеудің мемлекеттік стандарттарының ұлттық орталығы әзірлеген технология бойынша өткізілетін кешенді тестілеу (бұдан әрі – тестілеу) нәтижелері бойынша берілген мемлекеттік сертификат.

69. Салыстырып тексеру үшін құжаттардың төлнұсқалары ұсынылады, содан кейін құжаттардың төлнұсқалары өтініш берушіге қайтарылады.

70. Әкімші әлеуметтік көмек алуға үміткерлерден құжаттарды қабылдауы жыл сайын 1 шілдеден 23 тамызға дейін (қоса алғанда) өтеді.

71. Білім басқармасы 1 мамырға осы Қағиданың 66-тармағында көрсетілген тұлғалар қатарынан ағымдағы жылы жалпы білім беретін мектептер түлектерінің тізімдерін әкімшіге ұсынады.

72. Әлеуметтік көмек алуға үміткерлерді іріктеу Астана қаласының жоғары оқу орындарында күндізгі нысанда оқу ақысын төлеуге әлеуметтік көмекті тағайындау жөнінде Астана қаласы әкімдігінің жанында арнайы құрылған комиссиямен тестілеу кезінде ең жоғары алған ұпай саны бойынша осы Қағиданың 66-тармағында көрсетілген санаттардан жүргізіледі.

73. Іріктеу осы Қағиданың 66-тармағында келтірілген ретімен көрсетілген санаттардың әрқайсысының шегінде жүргізіледі.

74. Тестілеу кезінде қажетті ең төменгі баллды жинай алмаған жалпы білім беретін мектеп түлектеріне әлеуметтік көмек тағайындалмайды.

75. Астана қаласы әкімдігінің жанынан арнайы құрылған Астана қаласының жоғары оқу орындарында күндізгі оқу түріне ақы төлеуге азаматтардың жекелеген санаттарына әлеуметтік көмек тағайындау жөніндегі Комиссия алдағы әрбір оқу жылына арналған мамандықтар тізбесін бекітеді.

76. Әкімші әлеуметтік көмекті тағайындағаннан кейін қаланың жоғарғы оқу орындарымен және әлеуметтік көмек алушылармен білім беру қызметтерін көрсетуге шарттар (бұдан әрі – шарт) жасасады.

77. Әкімші шартқа қол қойылғаннан кейін он банктік күн ішінде оқуға әлеуметтік көмек алушының дербес есеп шотына ақшалай қаражатты аудару жолымен алғашқы оқу жылына төлемақы жүргізеді.

Оқуға әлеуметтік көмек алушы ақшалай қаражаттар түскеннен кейін үш банктік күн ішінде оқуға төлемақы жүргізеді және әкімшіге төлеу туралы түбіртекті ұсынады.

78. Келесі оқу жылдарына әлеуметтік көмек жыл сайын оқу жылының басында жүргізіледі.

79. Әкімші жоғарғы оқу орнымен бірігіп, әлеуметтік көмек алушының оқуға қабылданған кезінен бастап оның оқуын бақылауды жүзеге асырады.

80. Жоғарғы оқу орнының әкімшілігі үлгерімі төмен болғаны, себепсіз үнемі оқуға қатыспағаны немесе әлеуметтік көмек төлем есептеу және/немесе тоқтату үшін негіз болып табылатын оқу орнының Жарғысына сәйкес басқа да оқу тәртібін бұзғаны жөнінде әкімшіні уақтылы хабардар етуге тиіс.

81. Егер әлеуметтік көмек алушы оқудан шығарылса, жоғарғы оқу орны бес жұмыс күн ішінде бұйрықтың көшірмесін ұсынып, әкімшіні хабардар етеді.

82. Әлеуметтік көмек алушы жоғарғы оқу орнынан шығарылған жағдайда әкімші әлеуметтік көмек тағайындау үшін көзделген тәртіпте жоғарғы оқу орны әкімшілігінің ұсынысы бойынша оқудан шығарылған студенттің орнына осы Қағиданың 66-тармағында көрсетілген тұлғалар қатарынан бейінді мамандық бойынша осындай жоғарғы оқу орнының басқа студентімен ауыстырады.

Бейінді мамандық шегінде ауыстыру үшін үміткер болмаған жағдайда, жоғарғы оқу орнының әкімшілігі басқа мамандық бойынша студентті ұсынады, осындай үміткерлер болмаған жағдайда, басқа жоғарғы оқу орнының осы Қағиданың 66-тармағында көрсетілген тұлғалар қатарынан студентіне ауысады.

83. Оқудан шығарылған студенттің орнын ауыстыру туралы ұсыныс болмаған жағдайда, жоғарғы оқу орны оқу шығындарын шегеру есебімен Астана қаласының бюджетіне төленген қаражатты қайтаруды жүргізеді.

84. Жоғарғы оқу орнынан шығарылған жағдайда оқуға төленген сомалар әлеуметтік көмек алушыдан өндірілмейді.

85. Денсаулығына байланысты академиялық демалысқа шыққан әлеуметтік көмек алушы қайтадан оралғаннан кейін одан әрі әлеуметтік көмек алуына болады.

86. Жоғарғы оқу орнын бітірген соң және тиісті үлгідегі дипломды алғаннан кейін оқуға әлеуметтік көмек алушы он жұмыс күн мерзім ішінде ол туралы әкімшіні хабардар етеді.

§ 3. Азаматтардың жекелеген санаттарына қатты отынды сатып алуға және тұрғын үйді газдандыруға әлеуметтік көмек

87. Қатты отынды сатып алуға әлеуметтік көмек төрт ең төмен күнкөріс деңгейінен аспайтын жан басына шаққандағы табысы болған және оларда және отбасы мүшелерінде басқа тұрғын үйі болмаған жағдайда, жергілікті (пештік) жылытатын жеке тұрғын үйде тұратын, оның жеке меншік иесі (жалға алушысы) немесе жеке меншік иесінің отбасы мүшелері (жалға алушысы) болып табылатын жасы бойынша зейнеткерлерге, мүгедектігі бар адамдарға, мүгедектігі бар балаларға, әлеуметтік мәні бар аурулары бар адамдарға, көп балалы аналарға және көп балалы отбасыларға, жетім балаларға, ата-анасының қамқорлығынсыз қалған балаларға, балалар үйлерінің түлектеріне жүргізіледі.

88. Өтемақы жылыту маусымына 16 АЕК көлемінде жүргізіледі.

89. Қатты отынды сатып алуға өтемақы алуға құқығы бар бірнеше адам бір жеке меншік тұрғын үйде тұрған жағдайда, өтемақы тек біреуіне ғана беріледі.

90. Әлеуметтік көмек алу үшін өтініш беруші жылыту маусымы кезеңінде әкімшіге мына құжаттарды қосып өтініш ұсынады:

- 1) жеке басты куәландыратын құжат;
- 2) газ құбырын орнату және жүргізуге байланысты өтініш берушінің нақты шығындарын растайтын акт және/немесе құжат (чектердің, түбіртектердің көшірмелері, қызметтерді көрсетуге арналған шарт және т.б.);
- 3) адамның (отбасы мүшелерінің) табысы туралы мәліметтер;
- 4) мәртебесін растайтын құжаттың көшірмесі (зейнетақы куәлігі, мүгедектігі туралы анықтама, балалардың туу туралы куәліктері, жергілікті атқарушы органның қаулысы не бұйрығы);
- 5) жылжымайтын мүлікке тіркелген құқығының болмауы (болуы) туралы анықтама;
- 6) тұрғын үйді пайдалану құқығын растайтын құжат – жалға алушылар үшін;
- 7) екінші деңгейдегі банктегі не «Қазпошта» акционерлік қоғамындағы банк шотының нөмірі туралы мәліметтер.

91. Құжаттардың түпнұсқалары және көшірмелері салыстыру үшін ұсынылады, одан кейін түпнұсқалары өтініш берушіге қайтарылады.

92. Тұрғын үйді газдандыруға біржолғы әлеуметтік көмек төрт ең төмен күнкөріс деңгейінен аспайтын жан басына шаққандағы табысы болған және оларда және отбасы мүшелерінде басқа тұрғын үйі болмаған жағдайда, Астана қаласы газдандыру жөніндегі іс-шаралар жоспарына сәйкес газдандыруға жататын жергілікті жеке тұрғын үйде тұратын, оның жеке меншік иесі немесе жеке меншік иесінің отбасы мүшелері болып табылатын жасы бойынша зейнеткерлерге, мүгедектігі бар адамдарға, мүгедектігі бар балаларға, көп балалы аналарға және көп балалы отбасыларға, жетім балаларға, ата-анасының қамқорлығынсыз қалған балаларға, балалар үйлерінің түлектеріне жүргізіледі.

93. Әлеуметтік көмектің көлемі 130 АЕК аспайтын газ құбырын орнатуға және жүргізуге байланысты өтініш берушінің нақты шығындарының негізінде анықталады.

94. Әлеуметтік көмек алу үшін өтініш беруші әкімшіге Қағиданың 90-тармағында көзделген құжаттарды қосып өтініш ұсынады.

Әлеуметтік көмек көрсетудің,
оның мөлшерлерін белгілеудің
және Астана қаласының мұқтаж
азаматтарының жекелеген
санаттарының тізбесін айқындау
қағидаларына
1-қосымша

Басшысына

Өтініш

Азамат _____

(өтініш берушінің тегі, аты, әкесінің аты (бар болса))

Туған күні: _____ жылғы «___» _____

Жеке сәйкестендіру нөмірі: _____

Жеке басын куәландыратын құжат түрі: _____

Құжаттың сериясы: _____ құжаттың нөмірі: _____ кім берген: _____

Берілген күні _____ жылғы «___» _____

Тұрақты тұратын жерінің мекенжайы _____

_____ қаласы

_____ ауданы

_____ көшесі (шағын ауданы) _____ үй _____ пәтер

Банк деректемелері: _____

Банктің атауы _____

Банк шотының № _____

Телефон _____

Маған _____ әлеуметтік көмек тағайындауды сұраймын

Өтінішке қоса берілген құжаттардың тізбесі:

Р/с №	Құжаттың атауы	Құжаттағы парақтардың саны	Ескертпе
1	2	3	4

«Дербес деректер және оларды қорғау туралы» Қазақстан Республикасының Заңына сәйкес төлемді тағайындаған (қайта есептеген) кезде, сондай-ақ әлеуметтік көмек көрсету жөніндегі уәкілетті орган Қазақстан Республикасының заңнамасына сәйкес өз міндеттемелерін орындаған кезде

қажетті менің дербес деректерімді жинауға және өңдеуге, ақпараттық жүйелерде бар, заңмен қорғалатын құпияны құрайтын мәліметтерді сақтауға және пайдалануға келісім беремін.

Банк шотының иесі ретінде өзім туралы, екінші деңгейдегі банктердегі, қаржы нарығы мен қаржы ұйымдарын реттеу және қадағалау жөніндегі уәкілетті органның банк операцияларының тиісті түрлеріне лицензиясы бар ұйымдардағы, «Қазпошта» акционерлік қоғамының аумақтық бөлімшелеріндегі банк шотының нөмірі туралы мәліметтерді алуға келісім беремін.

Тұрғылықты жерімнің (оның ішінде Қазақстан Республикасының шегінен тыс жерлерге кету), анкеталық деректердің, банктік деректемелердің өзгеруі туралы әлеуметтік көмек көрсету жөніндегі уәкілетті органға 10 (он) жұмыс күні ішінде хабарлауға міндеттенемін.

Жергілікті бюджеттен төленетін әлеуметтік көмекті есептеу үшін жеке банк шотын ашу мүмкіндігі туралы, сондай-ақ осындай шоттағы ақшаны үшінші тұлғалардың өндіріп алуға жүгінуіне жол берілмейтіні туралы хабардармын.

20 ____ жылғы « ____ » _____

(тегі, аты, әкесінің аты (бар болса), өтініш берушінің (заңды өкілінің)

қолы

Құжаттарды қабылдаған:

(өтінішті қабылдаған тұлғаның тегі, аты, әкесінің аты (бар болса),
лауазымы және қолы)

20 ____ жылғы « ____ » _____

Әлеуметтік көмек көрсетудің,
оның мөлшерлерін белгілеудің
және Астана қаласының мұқтаж
азаматтарының жекелеген
санаттарының тізбесін айқындау
қағидаларына
2-қосымша

Адамның (отбасының) мұқтаждығын айқындауға арналған тексеру
АКТІСІ

20__ ЖЫЛҒЫ «__» _____

_____ (елді-мекен)

1. Өтініш берушінің тегі, аты, әкесінің аты (бар болса)

2. Тұратын мекенжайы

3. Өтініш берушінің әлеуметтік көмекке өтініш беруінің себептері

4. Отбасы құрамы (отбасында нақты тұратындар есептеледі) _____ адам,
оның ішінде

Р/с №	Тегі, аты, әкесінің аты (бар болса)	Туған күні	Өтініш берушіге туыстық қатынасы	Жұмыспен қамтылуы (жұмыс, оқу орны)	Жұмыспен қамтылмау себебі	Қоғамдық жұмыстарға қатысуы, кәсіптік даярлығы (қайта даярлау, біліктілігін арттыру) немесе жұмыспен қамтудың белсенді шараларына қатысуы туралы мәліметтер
1	2	3	4	5	6	7

Еңбекке жарамды барлығы _____ адам.

Жұмыспен қамту органдарында жұмыссыз ретінде тіркелгендері _____ адам.

Балалардың саны: _____, олардың ішінен жоғары және орта оқу орындарында ақылы негізде оқитындар _____ адам, оқу құны жылына _____ теңге.

Отбасында Ұлы Отан соғысы ардагерлерінің, жеңілдіктер бойынша Ұлы Отан соғысының ардагерлеріне теңестірілген ардагерлердің, басқа мемлекеттер аумағындағы ұрыс қимылдары ардагерлерінің, зейнеткерлердің, 80 жастан асқан қарт адамдардың, әлеуметтік маңызы бар аурулары бар адамдардың, мүгедектігі бар адамдардың, мүгедектігі бар балалардың болуы (көрсету немесе өзге санатты қосу қажет)

5. Тұрып жатқан жағдайы (жатақхана, жалға алынған, жекешелендірілген тұрғын үй, қызметтік тұрғын үй, тұрғын үй кооперативі, жеке тұрғын үй немесе өзге көрсету қажет):

Тұрғын үйді ұстауға жұмсалатын шығыстар:

Отбасының табысы:

Р/с №	Табысы бар отбасы мүшелерінің (оның ішінде өтініш берушінің) тегі, аты, әкесінің аты (бар болса)	Табыс түрі	Өткен тоқсандағы табыс сомасы (теңге)		Жеке қосалқы шаруашылық (ауладағы учаске, малы және құсы), саяжай және жер учаскесі (жер үлесі) туралы мәліметтер
			тоқсанға	орта есеппен айына	
1	2	3	4	5	6

6. Мыналардың бар-жоғы:

автокөлігі (маркасы, шығарылған жылы, құқық беретін құжат, оны пайдаланғаннан түсетін мәлімделген табыс)

қазіргі уақытта өздері тұрып жатқаннан бөлек өзге тұрғын үйі (оны пайдаланғаннан түсетін мәлімделген табыс)

7. Бұрын алған көмегі туралы мәліметтер (нысаны, сомасы, көзі):

8. Отбасының өзге табысы (нысаны, сомасы, көзі):

9. Балалардың мектеп керек-жарағымен, киіммен, аяқ киіммен қамтамасыз етілуі:

10. Тұратын жерінің санитариялық-эпидемиологиялық жағдайы:

Комиссия төрағасы:

Комиссия мүшелері:

(қолдары) (тегі, аты, әкесінің аты (бар болса)

Жасалған актімен таныстым:

Өтініш берушінің тегі, аты, әкесінің аты (бар болса) және қолы

Тексеру жүргізілуден бас тартамын _____

Өтініш берушінің (немесе отбасы мүшелерінің бірінің) тегі, аты, әкесінің аты (бар болса) және қолы

(өтініш беруші тексеру жүргізуден бас тартқан жағдайда толтырылады)

Күні _____

Әлеуметтік көмек көрсетудің,
оның мөлшерлерін белгілеудің
және Астана қаласының мұқтаж
азаматтарының жекелеген
санаттарының тізбесін айқындау
қағидаларына
3-қосымша

Учаскелік комиссияның № _____ қорытындысы

20__ жылғы « ____ » _____

Учаскелік комиссия Әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидаларына сәйкес мұқтаж азаматтардың жекелеген санаттарына берілетін әлеуметтік көмекті алуға өтініш берген тұлға (отбасы)

_____ (өтініш берушінің тегі, аты, әкесінің аты (бар болса)

өтінішін және оған қоса берілген құжаттарды қарап, ұсынылған құжаттар және өтініш берушінің (отбасының) материалдық жағдайын тексеру нәтижелерінің негізінде тұлғаға (отбасыға) мұқтаж азаматтардың жекелеген санаттарына берілетін әлеуметтік көмекті ұсынудың

_____ (қажеттігі, қажетінің жоқтығы)

туралы қорытынды шығарады.

Комиссия төрағасы: _____

Комиссия мүшелері: _____

_____ (қолдары) (тегі, аты, әкесінің аты (бар болса)

Қорытынды қоса берілген құжаттармен ____ данада

20__ ж. « ____ » _____ қабылданды.

_____ құжаттарды қабылдаған кент, ауыл, ауылдық округ әкімінің немесе әлеуметтік көмек көрсету жөніндегі уәкілетті орган қызметкерінің тегі, аты, әкесінің аты (бар болса), лауазымы, қолы _____

Астана қаласы мәслихатының
2023 жылғы «__» _____
№ _____ шешіміне
2-қосымша

Астана қаласы мәслихатының күшін жойған кейбір шешімдерінің тізбесі

1. Астана қаласы мәслихатының «Астана қаласында әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» 2017 жылғы 12 желтоқсандағы № 221/25-VI (Нормативтік құқықтық актілерді мемлекеттік тіркеу тізілімінде № 1149 тіркелген) шешімі.

2. Астана қаласы мәслихатының «Астана қаласында әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгерістер енгізу туралы» 2019 жылғы 6 наурыздағы № 361/45-VI (Нормативтік құқықтық актілерді мемлекеттік тіркеу тізілімінде № 1217 тіркелген) шешімі.

3. Нұр-Сұлтан қаласы мәслихатының «Астана қаласында әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгерістер мен толықтырулар енгізу туралы» 2019 жылғы 30 мамырдағы № 385/50-VI (Нормативтік құқықтық актілерді мемлекеттік тіркеу тізілімінде № 1230 тіркелген) шешімі.

4. Нұр-Сұлтан қаласы мәслихатының «Нұр-Сұлтан қаласында әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгерістер енгізу туралы» 2020 жылғы 28 сәуірдегі № 485/63-VI (Нормативтік құқықтық актілерді мемлекеттік тіркеу тізілімінде № 1267 тіркелген) шешімі.

5. Нұр-Сұлтан қаласы мәслихатының «Нұр-Сұлтан қаласының әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгерістер мен толықтырулар енгізу туралы» 2020 жылғы 26 тамыздағы № 530/71-VI (Нормативтік құқықтық актілерді мемлекеттік тіркеу тізілімінде № 1289 тіркелген) шешімі.

6. Нұр-Сұлтан қаласы мәслихатының «Нұр-Сұлтан қаласының әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне

өзгерістер енгізу туралы» 2021 жылғы 10 наурыздағы № 13/2-VII (Нормативтік құқықтық актілерді мемлекеттік тіркеу тізілімінде № 1315 тіркелген) шешімі.

7. Нұр-Сұлтан қаласы мәслихатының «Нұр-Сұлтан қаласының әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгерістер мен толықтырулар енгізу туралы» 2021 жылғы 6 мамырдағы № 36/5-VII (Нормативтік құқықтық актілерді мемлекеттік тіркеу тізілімінде № 1323 тіркелген) шешімі.

8. Нұр-Сұлтан қаласы мәслихатының «Нұр-Сұлтан қаласының әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгерістер енгізу туралы» 2021 жылғы 24 қарашадағы № 105/15-VI (Нормативтік құқықтық актілерді мемлекеттік тіркеу тізілімінде № 25765 тіркелген) шешімі.

9. Нұр-Сұлтан қаласы мәслихатының «Нұр-Сұлтан қаласының әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгерісті енгізу туралы» 2022 жылғы 16 наурыздағы № 145/22-VI (Нормативтік құқықтық актілерді мемлекеттік тіркеу тізілімінде № 27268 тіркелген) шешімі.

10. Нұр-Сұлтан қаласы мәслихатының «Нұр-Сұлтан қаласының әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгерістер мен толықтыру енгізу туралы» 2022 жылғы 25 мамырдағы № 178/25-VI (Нормативтік құқықтық актілерді мемлекеттік тіркеу тізілімінде № 28313 тіркелген) шешімі.


11. Нұр-Сұлтан қаласы мәслихатының «Нұр-Сұлтан қаласының әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгеріс енгізу туралы» 2022 жылғы 30 маусымдағы №198/27-VI (Нормативтік құқықтық актілерді мемлекеттік тіркеу тізілімінде № 28735 тіркелген) шешімі.

12. Астана қаласы мәслихатының «Нұр-Сұлтан қаласының әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгерістер енгізу туралы» 2022 жылғы 23 қарашадағы № 268/34-VII (Нормативтік құқықтық актілерді мемлекеттік тіркеу тізілімінде № 30785 тіркелген) шешімі.

13. Астана қаласы мәслихатының «Астана қаласының әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгерістер мен толықтырулар енгізу туралы» 2022 жылғы 28 желтоқсандағы № 298/37-VII (Нормативтік құқықтық актілерді мемлекеттік тіркеу тізілімінде № 31626 тіркелген) шешімі.

14. Астана қаласы мәслихатының «Астана қаласының әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгерістер енгізу туралы» 2023 жылғы 12 сәуірдегі №16/2-VII (Нормативтік құқықтық актілерді мемлекеттік тіркеу тізілімінде № 1336-01 тіркелген) шешімі.

15. Астана қаласы мәслихатының «Астана қаласының әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидасы туралы» Астана қаласы мәслихатының 2017 жылғы 12 желтоқсандағы № 221/25-VI шешіміне өзгерістер енгізу туралы» 2023 жылғы 9 тамыздағы № 65/7-VIII (Нормативтік құқықтық актілерді мемлекеттік тіркеу тізілімінде № 1350-01 тіркелген) шешімі.



ШЕШІМ

РЕШЕНИЕ

2023 жылғы 3 қазандағы

№ 84/10-VIII

Астана қаласы

город Астана

**Астана қаласында әлеуметтік көмек көрсетудің, оның мөлшерлерін
белгілеудің және мұқтаж азаматтардың жекелеген санаттарының тізбесін
айқындау қағидасын бекіту туралы**

«Қазақстан Республикасындағы жергілікті мемлекеттік басқару және өзін-өзі басқару туралы» Қазақстан Республикасы Заңының 27-бабының 1-2-тармағына, «Ардагерлер туралы» Қазақстан Республикасы Заңына, «Әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың үлгілік қағидаларын бекіту туралы» Қазақстан Республикасы Үкіметінің 2023 жылғы 30 маусымдағы № 523 қаулысына сәйкес, Астана қаласының мәслихаты **ШЕШТІ:**

1. Қоса беріліп отырған Астана қаласында әлеуметтік көмек көрсету, оның мөлшерін белгілеу және мұқтаж азаматтарының жекелеген санаттарының тізбесін айқындау қағидасы (бұдан әрі – Қағида) 1-қосымшаға сәйкес бекітілсін.

2. Астана қаласының мәслихаты кейбір шешімдерінің күші 2-қосымшаға сәйкес жойылды деп танылсын.

3. Осы шешім 2024 жылғы 1 қаңтардан бастап қолданысқа енгізілетін Қағидалардың 17-тармағын және 52-тармағының 4-бөлігін қоспағанда, оның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

**Астана қаласы
мәслихатының төрағасы**

Е. Каналимов

Қазақстан Республикасының Әділет министрлігі
облысының/қаласының Әділет департаменті
Нормативтік құқықтық акті 19.10.2023
Нормативтік құқықтық актілерді мемлекеттік
тіркеудің тізіліміне № 1357-01 болып енгізілді

Результаты согласования

**Нормативтік құқықтық акті жобасы бойынша
ҰСЫНЫМ**

Астана қаласы

29 қыркүйек 2023 жыл

**Нормативтік
құқықтық актінің
атауы**

«Астана қаласында әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындау қағидасын бекіту туралы» Астана қаласы мәслихатының шешімі жобасы

**Жобаны ұсынған
орган**

«Астана қаласының Жұмыспен қамту және әлеуметтік қорғау басқармасы» ММ

**Қоғамдық кеңестің
қарауына жобаның
түскен күні**

7 қыркүйек 2023 жылы № 158-15-15/1890

Астана қаласы Қоғамдық кеңесінің қарауына ұсынылған «Астана қаласында әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындау қағидасын бекіту туралы» Астана қаласы мәслихатының шешімі жобасы, «Қазақстан Республикасының әлеуметтік кодексіне, «Қазақстан Республикасындағы жергілікті мемлекеттік басқару және өзін-өзі басқару туралы» Қазақстан Республикасы Заңының 27-бабының 1-2-тармағына, «Ардагерлер туралы» Қазақстан Республикасы Заңына, «Әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың үлгілік қағидаларын бекіту туралы» Қазақстан Республикасы Үкіметінің 2023 жылғы 30 маусымдағы № 523 қаулысына сәйкес әзірленді.

Астана қаласының Қоғамдық кеңесі қарастыру нәтижесі бойынша **ұсынады:**

«Астана қаласында әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындау қағидасын бекіту туралы» Астана қаласы мәслихатының шешімі жобасы ескертулерсіз мақұлдансын.

**Астана қаласы
Қоғамдық кеңесінің төрағасы**



З. Ғайыпов